

巫山縣志卷十一

蠲政志

我

皇上深仁厚澤浹髓淪肌是以國皆殷富裕用阜康偶遇旱
澇之不時無不恩膏之立沛責大吏以親勘上聞不壅
榜賑數以號眾中飽無由己飢已溺雖萬安亦視如傷
匹婦匹夫無一人不得其所立法之周莫逾

昭代愛民之政實越前朝矣志蠲政

康熙二十五年

巫山縣志

卷十一

蠲政

一

上諭四川等省昔年爲賊竊據民遭苦累今雖獲有甯宇更宜
培養以厚民生所有二十六年應徵地丁各項錢糧俱
著蠲免兩年

康熙三十二年

上諭所有四川廣西貴州雲南四省俱屬極邊之地土壤磽瘠
民生艱苦應徵地丁銀米著通行蠲免一次

康熙四十三年又奉

上諭應徵地丁各項錢糧通著蠲免一次

雍正七年

上諭藏地甯謐特沛恩膏著將四川額徵地丁銀三十一萬六

千三百兩零悉行蠲免

雍正九年奉

旨土司應納銀兩著與川民一體蠲免

乾隆十年六月初六日

上諭將乾隆丙寅年直省應徵錢糧通行蠲免

部議分作三年一次辦理四川省地丁錢糧於丙寅年

全行蠲免

乾隆三十五年元旦

巫山縣志

卷十一

蠲政

二

上諭自乾隆三十五年爲始將各直省應徵錢糧通行蠲免一

次

部議分作三年一次辦理四川省地丁錢糧於辛卯年

全行蠲免

乾隆四十一年三月二十一日

上諭巫山等十八廳州縣四十年分前經酌免十分之七錢糧

一併蠲免

乾隆四十二年正月二十四日

上諭自戊戌年爲始普蠲天下錢糧仍分三年輪免四川省地

丁錢糧於戊戌年全行蠲免

乾隆五十五年元旦

上諭將乾隆五十五年各直省應徵錢糧通行蠲免

部議請按各直省徵額將所屬各州縣次第搭配作三次輪三年辦理四川省於壬子年輪免夔州等十一屬
乾隆六十年十月初八日

上諭即將嘉慶元年各直省應徵地丁錢糧通行蠲免

部議請按各直省徵額將所屬各州縣次第搭配作三次輪三年辦理四川省於丁巳年輪免夔州等十一屬

巫山縣志

卷十一

蠲政

三

嘉慶二年七月十八日

上諭所有夔州府屬之奉節巫山雲陽萬縣開縣大甯等六縣
明年應徵地丁錢糧概行豁免

嘉慶四年四月十一日

上諭所有被賊蹂躪之川東道所屬奉節巫山等十九廳州縣
應徵本年地丁錢糧全行豁免

嘉慶五年二月初六日

上諭所有巫山等二十七廳州縣應徵本年地丁正閏火耗銀
米全行豁免至被賊各州縣內有應徵鹽茶課稅銀兩

有滯引未銷者亦著一併展限

嘉慶六年二月二十日

上諭所有巫山等三十六廳州縣營應徵本年地丁火耗銀米
全行蠲免

嘉慶七年二月二十九日

上諭巫山等九州縣所有嘉慶三年帶徵二年輪免案內火耗
銀兩加恩緩至來年帶徵

嘉慶八年二月十五日

上諭巫山巴州蒼溪奉節四州縣應徵本年地丁正耗錢糧著

巫山縣志

卷十一

蠲政

四

加恩蠲免十分之三

嘉慶九年三月二十三日

上諭巫山縣與楚北毘連從前亦屢次被賊民力尙未全紓著
加恩將應徵本年錢糧蠲免十分之三

嘉慶二十四年二月十三日

上諭其查無積欠之四川省恭照乾隆六十年
皇考高宗純皇帝加恩成例著將明年正賦寬免十分之二